

續修廬州府志卷三十四

花翎道銜江南安徽廬州府知府清泉黃雲總修

宦績傳二

國朝

趙函乙字授若合肥人順治乙酉與兄觀乙同舉於鄉
丁亥成進士授戶部郎權崇文門稅以千金羨納公帑
遷江西督學修進賢坪宋忠義密公祠有記

康熙志

王綱字燕友合肥人順治壬辰進士官刑部郎改兵部
督捕逃案山積綱振滯獄釋株連冬日流徙出關者給
湯粥衣絮遷巡倉御史終通政參議

通志

高效愷字虞咨合肥人性敦樸絕浮華縣令方應庚約

續修廬州府志

卷三十四

宦績傳一

一

諸生有才名者會文香花墩效愷堅請入會方不可固
請勉許之是秋鄉試卷爲方所得比拆號見姓名欲乙
之主司不可遂中式末後理汾州知武定州居官清謹

民戴其德

康熙志

王絲字言如合肥人總角能文順治戊子舉人授黃州
推官決獄平恕嘗讞副將高誠旦之獄高密以嬰金託
鹽齎以進峻拒之後以事挂吏議左遷裕州僉判裕荒
敝又值衝衢公出資墾荒地以歲收代民煩費後乞歸
閉門卻埽衣敝不改易性好委曲濟人不責其報所著

有年初草古文警

嘉慶志

王舟字泳思合肥人舉辛丑進士知蜀太平縣政迹卓

著遭難間關旋里

康熙志

李天馥字湘北合肥人順治戊戌進士授檢討康熙十

一年遷司業累擢至內閣學士十六年雨澤愆期

特旨會同三法司詳鞫已結重案皆減等發落二十年擢戶部

左侍郎有以苞苴謁者拒之曰吾一日在部爾曹無望

茲事之行也明年充會試副考官二十三年調吏部以

激濁揚清爲已任充

政治典訓副總裁二十七年擢工部尚書

上召總河靳輔巡撫于成龍面奏河工事宜兩人各執一說天

馥會議以下河海口當開高家堰重隄宜停謂成龍言

是

續修廬州府志

卷三十四

宦績傳一

二

上從之調刑兵二部疏薦知縣陸隴其彭鵬邵嗣堯居官有聲

轉吏部逐黜吏曹部一清三十一年授

武英殿大學士明年丁母憂歸

御書貞松二大字賜之兼書一幅出都後一日

上曰李天馥侍朕三十餘年未嘗有失三年易過此官不必補

也葬廬墓側手植松楸淚血沾漬墓門服闋起入閣視

事充

平定朔漠方略總裁天馥老成清慎處心虛公嘗謂變法不如

守法救弊未必無弊奉行成憲不敢易尺寸乃所以報

國也故其爲政持大體有古大臣風三十八年卒

賜祭葬諡文定

通志

龔鼎亨字孝緒合肥人以學博署仙居令篆民多踞山
爲盜有願歸農者不敢擅還鄉鼎亨爲請於撫按給牌
免死資以農具全活無算

江南舊通志

蔡于宣字君和合肥人順治乙酉舉人性和藹喜讀書
尤工詩賦官夔州司理多善政卒於官

縣志

王綉字又如合肥人性樸直敦孝友順治丁酉領鄉薦
教授徽郡訓勵生徒先實行而後文藝士習爲之一變
遷東光令寬惠勤敏民感戴之以老疾告休

縣志

范大鵬字圖南合肥人順治間由歲貢生任蒙城訓導
升遂平教諭佐平賊有功升遂平知縣

縣志

程本道合肥人康熙壬子拔貢戶部廣西司主事監督

續修廬州府志

卷三十四

宦績傳一

三

西倉多善政弟本正監生徵修一統志官陝西興平縣
佐攝咸甯三水同官興平縣篆亦有能聲

縣志

徐國顯合肥人康熙間拔貢任山西翼城令甫下車卽
革陋規銀二千兩康熙三十三年翼城大饑遣人至家
取數千金賑之以卓異行取仕至布政司參議

縣志

龔士正字伯通合肥人鼎孳子康熙丁酉副榜以廕官
工部郎京闈號舍舊祇苦蓋建議請易以瓦至今便之
出爲僉事分巡湖南北驛鹽道軍旅疲敝言事者議減
驛費士正執不可設救生船立程站民食其福署按察
使釋株累甚多著述富有子志夔字孟典以附貢生官
定遠教諭遷安仁令毀淫祠除田賦擠總包賠之害卒

於官著有自怡集

嘉慶志

倪岱字山宗合肥人貢生雍正五年舉賢良方正授固安知縣署涿州事勤於政治恤士愛民捐俸賑飢寬免徭役以老乞休宦橐蕭然著有望麓亭禽言偶然詩集

嘉慶志

許齊卓字武田合肥人雍正十三年拔貢任福建德化知縣雪革生李志煜冤爲開復李是年卽中式移武平再移建陽修朱子祠墓置祭田其五經博士世襲久廢力爲詳請承襲又移龍谿築堤西關外以障水民不被災以老乞休歸里舉鄉飲大賔所著經子書及詩文集爲時所重

嘉慶志

續修廬州府志

卷三十四

宦績傳一

四

張先岸合肥人十歲能詩中乾隆丙辰順天鄉試揀發浙江知縣署安吉州修築城垣振興文教有大吏私親某斃人命承讞者欲脫其罪先岸勘得實論如律大吏旋撫他故劾之歸里後當事有所興革嘗就諮焉著有

雲錦集

嘉慶志

高廷選字煥初合肥人乾隆甲子舉人任青陽教諭率紳士捐貲修葺學宮甲戌歲饑凡勘災給賑平糶諸務一秉公正去任士民思之

嘉慶志

黃思敏合肥人乾隆癸酉拔貢補太和訓導後任六合教諭所莅之處盡心導士委辦太和河工勘阜陽亳州水災及廬江虹縣六合等處賑務廉謹自矢著有寶月

樓詩文集 嘉慶志

廖躅芳字鶴餐合肥人由中書中乾隆癸酉舉人甲戌明通進士授廣西賓州牧賓民鄙陋躅芳教以禮法風俗遂移丁內艱服闋補雲南賓川知州疏濬城河商民便之歸田後與弟宏鑰相友愛其父世瓊在時欲仿南雍製樂器於鄉學志未逮躅芳與其兄變千金產卒成

父志

嘉慶志

張宗義合肥人乾隆丙子舉人事親至孝知雲南定遠兩縣事威德交至數載罷官歸路有謳歌囊無餘積 采訪冊

譚應麒字璠徵合肥人乾隆丙子副榜考授州同發廣

續修廬州府志

卷三十四

宦績傳一

五

西試用初署休仁知縣民無恆業應麒令習耕織創義學課生徒教養兼施後補梧州州判陞江蘇豐縣改湖北房縣時軍書旁午應麒率鄉勇討保康賊復其城撫恤招徠積勞致疾卒 嘉慶志

王杏舒字倚雲合肥人乾隆己卯舉人任陝西高陵知縣調三原凡革陋規籌荒政杜絕奸商囤販善政甚多擢迪化知州以憂去官服闋補廣西鬱林知州因病告歸不改寒素鄉評推之 嘉慶志

褚啟宗字亮儕合肥人乾隆庚辰進士任青浦知縣慈惠公平有叔姪爭產者姪囑巨紳某爲緩頰啟宗毅然拒之待士子必以禮在任十年濬吳淞江修築城垣居

財賦之區無苛索之擾民懷其惠

青浦名宦志 縣志

王會燕字詒庭合肥人乾隆乙酉舉人由四庫館議敘
歷署南和昌黎安肅定興等縣事時當差務絡繹會燕
悉心區畫纖悉無誤在定興設義學成就士類尤多後
補鉅鹿去官歸里丙午歲旱以董理賑務得優敘越二

年卒

嘉慶志

趙壽朋字康旬合肥人由廩貢生例授訓導歷署含山
六安全椒等學事含山諸生劉湘子貧不能娶壽朋資
之完配在桐城諸生有以細故幾褫巾力請學使得以
保全居恆惟以古學勗士所至有賢聲

嘉慶志

蔡淮英字桐江合肥人少穎悟善屬文工書法乾隆乙

續修廬州府志

卷三十四

宦績傳一

六

酉科拔貢

廷試第一分發河南補杞縣知縣禮士愛民爲政清簡在
任未久以事忤上官意被劾旋經省釋歸士民郊送四
十里歸後蕭然自得不撓世務祀杞縣名宦祠

嘉慶志

黃誥字惇遠合肥人直隸行唐縣巡檢陞東明縣縣丞
甫下車有武弁強奪嫠婦剖決令還乾隆四十九年黃
水暴漲所轄縣堤危甚誥晝夜救護水平復捐俸賑濟
災民困勞成疾乞假歸著有帶草堂集

縣志

謝麟書字素亭合肥人乾隆丁酉舉人大挑知縣分發
廣西歷任天河昭平上林武緣隆安凌雲北流河池諸
州縣充戊申壬子戊午三科鄉試同考官以卓異遷全

州知州艱歸服闋補甘肅靜甯知州擢西甯貴德同知
權鞏昌府事洊升知府居官四十年務存大體不苛刻
年七十告歸

縣志

趙洛字渭西合肥人伉直負氣重然諾能急人之急乾
隆甲辰進士需次都中孝廉褚文倡歿於邸貧無以殮
洛經紀其喪爲位以哭同鄉之人皆感動初令祁陽有
循聲繼官左雲爲邊外苦寒之地俗悍民貧洛一意撫
綏居官二十年不改儒素弟湘乾隆癸卯舉人山東陽
信知縣亦有政聲

縣志

趙璠字魯珍合肥人廩貢生援例得兵部主事遷員外
郎中補武選司郎中京察以知府用歷官湖北之宜昌

續修廬州府志

卷三十四

宦績傳一

七

德安江蘇之徐州淮安揚州江甯江西之建昌南安吉
安袁州年老告歸生平輕財喜交遊久蒞樞曹屢典大
郡詩文名一時

縣志

胡效曾字謹齋合肥人嘉慶丁丑進士以知縣分發福
建歷署晉光邵武光澤諸縣事補莆田俗好械鬪閔不
畏死效曾在任六年開誠勸諭民多感悟去後爲立生
祠嗣因年老改補潁州教諭旋乞歸

縣志

王星榆字損齋合肥人年少力學務本祛華嘉慶己卯
進士令利川有兄弟爭產構訟各持金以爲壽星榆皆
納之定期結案陳原金於座前曰與其餽官曷若公諸
一家以釋爭乎兄弟感泣而去楚俗信鬼邑有鬼爲厲

死者十餘輩榆爲文禱於神而止捐俸倡修邑城四民樂從城垣遂完以艱歸逍遙湖濱授徒著書有損齋文

稿縣志

李春字暢然合肥人貢生由中書授浙江嚴州府同知
歷署西防烏鎮知嚴州府事有政聲鞫訊省垣多平反
上游器重以艱歸著有燕臺草浙游草弟泰廩貢生黟
縣教諭與諸生會講課藝無虛日以終養歸縣志

龔善思字意齡合肥人嘉慶己卯進士壬辰選江蘇興
化縣次年秋大水河督欲殺水勢開昭關垵善思爲民
田力爭遲開十日民得刈穫創建文正書院躬自督課
文教振興調補上元擢海州直牧海故產鹽多私販緝

續修廬州府志

卷三十四

宦績傳一

八

私者輒以大夥私梟報例得遷善思愀然曰地瘠民貧
藉小利謀生耳何忍置之死獲擔負者輒矜釋之以擒
海盜李佩章功升知府旋以失察屬縣去官縣志

董承恩字介繁合肥人金鳳長子嘉慶元年廕生考授
通判道光六年補泰安通判憂歸服闋補嘉定通判調
署眉州所至有政聲卒於官縣志

龔照琪號藍生合肥人嘉慶癸酉副貢授四川忠州州
判甫莅任以艱歸起補江蘇海州州判州故瀕海產鹽
囤販輻輳號難治照琪有決才以故私梟不敢犯調知
桃源獲巨盜加州銜歷任句容山陽邳州俱有能聲嗣
補江都令一無苛擾擢通州甫一載以疾卒縣志

黃學熙字越五合肥人善畫梅嘉慶丁卯副貢家貧隻身走京師充

武英殿校錄議敘知縣改教職授蒙城教諭在任十九年

訓士有法年七十告歸

縣志

范邦政字平甫合肥人嘉慶辛酉拔貢本科舉人歷任雲南劍川鶴慶尋甸等州嘉慶丁卯科鄉試同考官調補黑鹽井提舉邦政居家時以孝友稱閉戶讀書規行矩步鄉里重之及仕廉介自持常捐貲辦公因以蕩產

丁艱歸卒於道

采訪冊

譚琨字珍涵合肥人嘉慶癸酉拔貢選祁門縣教諭在任月課諸生文藝外尤重經史兵燹後學宮頽敗琨撰

勸修學宮啟倡議勸修祁有同善局皆寒士集資以成者琨捐廉置田數畝爲持久計祁俗鄉愚每停喪婚嫁撰長言勸諭之當粵逆初起時琨集學中文武生教以技勇每月課試武藝以資保衛卒年八十一

采訪冊

黃鳴傑字季侯合肥人嘉慶己未進士由庶常改禮部主事遷員外郎中甲戌分校禮闈得士最盛擢臺諫巡漕淮安苞苴斷絕風采肅然出守大名調保定擢霸昌道歷陞廣東湖北按察使浙江布政使所至有政聲清介自持人不敢干以私一時有包老之譽巡撫浙江未久罷歸篋中僅圖書數萬卷而已里居十餘年竿牘鮮通主講書院成就後進尤多季子調佑丁酉拔貢本科

舉人辛亥舉孝廉方正由軍功議敘選湖北利川縣知縣調署孝感卒於官

采訪冊

沈迺菘號秋畦合肥人沈潛篤學孝友性成嘉慶丁丑進士任江甯府學教授二十餘年常以士先器識而後文藝爲諸生勸出門下者多端人選元墨正宗續本年

六十五卒於官

采訪冊

沈理達號豐齋合肥人弱冠入泮中嘉慶庚午科舉人嗣補東流訓導升涇縣教諭及太平府教授培植士類訓迪有方爲上游所重累保知縣不就咸豐癸丑粵逆竄據太平上憲檄委兼攝府經縣丞堵禦辦練積勞成疾卒年六十九

采訪冊

續修廬州府志

卷三十四

宦績傳一

十

梁恩照字書三合肥人嘉慶癸酉拔貢

朝考第一以小京官分發刑部已卯舉京兆道光壬午捷南宮補刑部主事遷員外郎中總辦秋審處律例館提調公事就理入軍機處行走樞務諳練京察以道府用授山東曹州知府調濟南所至有能聲擢湖南岳常澧道時逆苗趙金隴滋事師旅雲集恩照總精政殫心籌畫芻糧供給士馬飽騰敘功

賞戴花翎升廣東運司權臬篆才望冠一時嗣因事鐫二級以

病歸

縣志

郭道生字問芻合肥人道光癸未進士官廣西平南知縣歷署西林桂平遷江來賓諸縣粵俗獷悍猺雜處

民冤多不得直道生以恩濟威政聲卓著充戊子鄉試
同考官時稱得士生平工制藝著貽清堂稿弟道煌壬
午順天舉人山西汾陽知縣子兆奎映奎均入仕縣志
李式圃字果亭合肥人道光壬午進士歷任浙江太平
武康嵯縣慈溪縣事所至有政聲士民愛戴平生尤體
恤寒儒振興文教兩入浙闈得士最盛浙元馬昱中出
其門縣志
蔣爾琮號禮卿合肥人道光乙酉舉人大挑二等選宿
州訓導在官循循善誘多所成就任滿歸咸豐癸丑大
吏諭辦團練實心任事不計恩怨地方以安同治元年
將軍多隆阿攻克廬郡爾琮籌辦軍需不遺餘力次年

續修廬州府志

卷三十四

宦績傳一

十一

選六安州學正未及赴積勞成疾卒年六十九歲采訪冊

郭承縉字錦純合肥人歲貢生考授州同改四川汶川

縣知縣旋署茂州知州調江西歷任湖口大庾彭澤崇

義縣事所至多惠政陞南昌府督糧同知未任歸舉鄉

飲大賓卒祀湖口名宦祠采訪冊

胡芹號秀鬢合肥人恩貢生歷署鳳陽盱眙舒城學官
所至皆以敦品教士著有遜志堂文稿行世壽八十七
無疾而終子孫曾元列膠庠者十餘人登賢書者一人

采訪冊

李文安本名文玕字式和號玉泉合肥人生而穎異長
益肆力於學內行尤篤事親至孝侍親疾衣不解帶四

十餘日藥必親嘗居喪哀毀骨立卜葬地夢神示以棗園吉穴葬時有白燕來翔之異事長兄如嚴師待寡嫂撫孤姪數十年不忍析箸始終盡心調護治家有禮法爲人剛方厚重然諾不欺家貧課徒十餘年寒暑不倦多所成就年三十五由優廩生中式道光甲午舉人戊戌成進士官刑部主事嘗創建廬州試館廬鳳義地於都中鄉人感之在曹司十八年宅心仁恕讞獄明允多所平反嘗管提牢廳嚴禁吏卒虐囚捐製衣被藥餌著有貫垣紀事詩備詳其本末洊升郎中以御史記名咸豐三年粵寇陷廬郡城駸駸有北犯之勢十一月初十日戶部右侍郎王茂蔭上奏略云安徽桐城舒城相繼失守賊氛逼近廬州該郡爲南北要衝關係中原大局臣同鄉刑部郎中記名御史李文安卽在籍督帶練勇翰林院編修李鴻章之父老成練達爲守兼優籍隸合肥情形甚爲熟悉鄉里素所推重廬郡團練整齊皆由其寄信回里勸諭鄉人先爲思患預防之計若令其回籍督帶練勇呼應必靈籲懇飭令刑部郎中李文安迅速回籍帶勇協勤奉

上諭王茂蔭奏保本籍人員回省帶勇防勦一摺刑部郎中李文安著准其回籍督率練勇協力防勦欽此文安乃以十二月中單車就道是時廬州已陷江北土匪蠡起副都御史袁甲三奏留文安駐紮臨淮募練勇會攻戴家集捻

巢破之親督練勇進勦通淮南之路直抵廬郡適安徽
巡撫福濟咨催赴廬帶勇勦賊乃合團練鄉勇悉師進
攻擊敗賊渠陳玉城巨股於白石山下合肥得不被賊
擾敘功以知府用會攻巢縣未克以疾作歸疾既亟乃
手書告其子鴻章於巢界軍中曰賊勢猖獗民不聊生
吾父子世受

國恩此賊不滅何以家爲汝輩當努力以成吾志遂以積
勞卒於軍年五十有五巡撫福濟聞於

朝得

旨照知府軍營病故例賜卹追贈道銜廕一子以州判用
賜祭葬文安卒後皖中兵事益亟淮南郡縣多淪陷而所部紳

續修廬州府志

卷三十四

宦績傳一

十二

士爲練長者各於其鄉築堡殺賊以自衛厥後鴻章兄
弟以大學士曾國藩薦舉竟因此軍蔚成勁旅戡平吳
越奠定中原淮軍之名震天下由此始也文安嫻武略
能文章所著詩文集及愚荃敝帚諸書皆爲世所重以

子瀚章鴻章貴

誥贈光祿大夫子六鶴章昭慶自有傳

合肥縣志 李光祿公墓志銘 王茂蔭奏議

沈熙麟號石齋合肥人幼嗜學有文名早冠府試道光
乙未舉人甲辰成進士分發湖北歷任京山應山黃岡
漢陽等縣署理漢陽府知府丙午湖北同考官

采訪冊

王學懋字德昭合肥人咸豐己未舉人以團練功洊保
道員署常州知府時蘇常初復流亡未歸學懋招徠安

集之以勞卒官同治四年奉

旨贈光祿寺卿附祀蘇州無錫昭忠祠

通志

郭兆奎合肥人監生從軍有功任山西遼州直隸州事
勤於治民務在下鄉察其疾苦雖苦熱不避後以入山
舍肩輿步行勞極得氣喘症去任卒於家

采訪冊

郭映奎合肥人由布政司理問屢得軍功任江蘇無錫
金匱兩縣事民遭兵火後多凋敝時加惠政後以不避

疆禦離任卒於家

采訪冊

董策字治安合肥人幼讀詩書素行忠信同治二年赴
江蘇時兵燹始息金壇溧陽宜興等縣農乏牛種委策
貸牛耕種事成士民咸歌頌之辦理吳淞餉捐總局事

續修廬州府志

卷三十四

宦績傳一

十四

務由縣丞保舉知縣用加五品銜同治四年春委署元
和縣未赴任在差病故奏請議卹

采訪冊

丁壽昌字樂山合肥人果敢有材爲蘇撫李鴻章所器
嘗從軍轉戰吳越中原卓著功績補天津兵備道天津
河間兩郡數被水患民不聊生壽昌在任五年築防濟
溺賑飢民安集流亡開稻田修北道實政在民播爲樂
府旋丁外艱去任紳民公稟乞鴻章奏留已奉

旨俞允壽昌守禮再三懇請終制始得歸紳民爲立去思碑
服闋署海關道篆督辦直隸山西賑務轉輸銀米數百
萬全活甚衆擢直隸按察使

陞見時

天語褒以官聲甚好蒞任剖決積案千餘起民以不冤復署
理藩篆值省內大水請截漕賑撫六十八州縣均受實
惠後回臬任因勞致疾卒奉

旨贈太常寺卿事蹟宣付史館立傳並准於天津建立專祠

奏案
咨文

蒯德模字子範一字蔗園合肥人學宗宋儒壹意躬行
爲文樸實深純夏夏獨造由附貢生屢試未遇吳中軍
事興今大學士李鴻章時官蘇撫以軍務省分尤宜講
求吏治定民志惟德模治平稱第一官長洲縣知縣遺
愛在民擒捕姦宄必躬往以報最擢任太倉直隸知州
蘇州知府其自治官書及吳中判牘吳人至今傳述之

續修廬州府志

卷三十四

宦績傳一

十五

調鎮江知府旋知江甯府事江甯爲省會要區首郡公
事日繁以蹟德模任之從容就理暇輒與生徒講誦文
字娓娓不倦一時知名士多從之游所刊帶耕草堂四
書文學人多宗之宦囊不充假貸以給用其勤苦如此
旋以政最

簡授四川夔州知府監督夔渝兩關稅務

欽加三品銜

賞戴花翎道員用官階駸顯矣乃年屆六十遽以勞疾卒官江
蘇四川士民思之不置公請奏祀名宦祠子四光典癸

未進士翰林院庶吉士

采訪
冊

董汝緘字亦三合肥人同治庚午舉人以勞保同知銜

直隸州用署直隸永平府盧龍縣知縣力除積弊免差徭屯義倉並以本境不宜開礦力爭於大吏而止升用知府游智開以誠求許之因疊辦大差虧累甚調署天津接篆二十餘日以疾卒其季弟汝楠方授讀於家得耗謝遣生徒貸金抵津爲兄籌償逋不足士民及同僚皆出資助之乃得歸葬

采訪冊

吳毓蘭號香畹合肥人自少讀書講求經世學性孝友尤尚志節重然諾咸豐間皖境羣賊蠡起毓蘭集練助勦解壽州城圍同治初由監生隨蘇撫李鴻章師赴上海迭克柘林奉賢嘉定等城擊退虹橋大股悍賊解北新涇四江口之圍旋帶華字營攻克浙江平望黎里石

營駐守嘉善城進規嘉興直抵城下親率所部先登郡城遂復嗣守溧陽金壇竄匪驟至南渡與兄毓芬截擊獲勝會僞渠林得英約常州西路賊萬餘亦至毓蘭乃出招仙橋登山圍擊賊驚亂自相踐踏連戰皆捷追至建平界斬林得英等生擒僞將黃金龍溧陽遂定調守浙江長興僞堵逆黃文金由湖州率衆逸出毓蘭夜率八百人追至四安降其衆千餘遂克四安鎮而梅溪竄賊適至中夜扼橋截擊賊大潰復降四千人游保道員四年駐防揚州時東豫捻氛甚熾毓蘭念邗上地當衝要裏下河又完善之區防宜豫在軍中常如寇至五年冬賴逆汶洸自東境潰圍南趨十二月搶渡沐陽縣六

塘河十一日竄至揚州城東北之灣頭追軍皆未至毓
蘭所部千人聞警報卽激勵將士分四路截勦由運河
東岸追賊瓦壑鋪天大風雨昏黑賊出死力衝突督攻
益急賊披靡至五更時縱火焚屋冀乘隙越竄毓蘭率
軍冒火衝雨而進從火光中瞥見一騎馬老賊手黃旗
指揮知必逆首連發數槍賊馬倒擒之卽逆首賴汶洸
也功旣竣督師李鴻章馳紅旗奏報以謀勇兼優請破
格獎勵

特旨交軍機處以道員記名簡放逾年西捻廓清再

賞布政使銜光緒元年大學士李鴻章調毓蘭辦天津海防營
務又督辦天津機器局講究製造法愈精利五年補天

續修廬州府志

卷三十四

宦績傳一

十七

津河間兵備道蒞任後捐廉課士並於書院捐置書籍
先是直晉豫數省奇荒毓蘭督理賑務請截漕四萬石
轉運赴豫值冬令水涸督艘星夜駛行中途凍結河流
僅數寸竭誠祈禱於分水龍王廟翌日冰泮水漲三尺
餘竟達濬縣全活豫民甚衆及抵津任遇各省災歉輒
捐廉籌欸源源接濟直境水旱成災飢民來津就食卽
分設粥廠親加撫恤津河俗健訟往往以纖芥故網羅
十數家毓蘭無鉅細皆親研鞫反復開導多有悔而求
罷者兩年中結巨案二百四十餘起六年海防警津門
無險可憑請修築濠牆數十里捐千金助其役添造炮
台兵房以資防守數月葺事費減工堅嗣訪聞瀕海村

落有積盜王洛八謝昆等糾結黨夥持械駕船在直東奉天海洋肆行劫殺嘯聚日衆懸賞緝獲爲首十二名置於法親率衆毀其巢南運河堤自經費減發河淤堤塌幾至無從措手迭經履勘督飭修防兩岸數百里徧栽柳株盤固堤根堆積土牛以備搶險於要處加築月堤又易草工爲土工數年堤岸穩固子牙河向受滹沱巨浸咸豐間滹水改由獻縣古羊河灌入文安大窪年久失修河道就沒汎期盛漲河間九州縣胥成澤國每議興修因歛絀屢罷毓蘭不避勞怨以工代賑復其故道靜海縣靳官屯新城地多荒蕪不毛紳民請於兩岸另闢新河毓蘭爲撥欵濬之旁近田畝均資引溉斥鹵

悉變膏腴軍糧城土性亦鹹鹼乃於塌河淀南堤接開新河下達海河並修濬舊渠水勢以暢八年春因上游古洋各河水勢悉趨子牙南運兩河堤岸益形喫重乃復加築五六百里之工同時並舉官民分辦毓蘭恐胥役爲奸晝則馳往督視延訪紳耆夜復回署清理庶務心力交瘁觸發勞傷逮竣事病勢已深遂卒於官年四十七津紳高學淇等稟懇捐建專祠李鴻章亦奏請附祀曾國藩天津專祠

特旨允准淮軍將士暨揚紳何承緒復懇捐建專祠經署直督張樹聲會同李鴻章奏請准於揚州府城建立專祠照軍營立功積勞病故例從優議卹生平事蹟宣付史

館立傳毓蘭所著詩文散軼未及編次有訓子格言二

卷藏於家

奏案
咨文

余思樞號子元合肥人七世均入庠序家貧好讀書九歲時聞三叔榜舉於鄉卽知力學十六爲府學附生父母先後卽世思樞勉力治喪時方遭水患困苦備經哀痛交至咸豐三年呂賢基奉

命辦理淮北鄉團每日赴各團看操分別優劣思樞所率團勇尤訓練有方五年隨知府李元華統鄉團渡巢湖攻克無爲州積軍功得六品藍翎主簿擊賊於潛山弟思楠隕焉選甘肅平羅主簿仍留軍營克復潛太保以知縣留甘補用同治元年甘涼道李鶴章奉江督曾國藩檄募淮勇渡江思樞以千人隨之至滬克嘉定青浦太倉各城累保直隸州換花翎三年克復無錫金匱保知府克復常昭保道員均留甘省補用尋克復常州加勇號並加按察使銜今大學士湖督李鴻章奉

旨授勦捻大臣札調辦理營務處及在楚北派問鹺案商人餽巨金峻卻之鴻章奉

命赴川查辦事件隨帶入川辦理發審值黔中民教不和朝旨命鴻章派司道大員前往查辦鴻章覆奏言思樞熟習洋務能持大體卽命入黔辦理數月事竣夷人佩服鄉民感之以貴州巡撫曾璧光奏結黔省九起教案賞加布政使銜四年

簡授貴東道境內遭苗匪蹂躪十室九空思樞設法招徠勸農
安業地方日有起色大吏稱其賢能光緒元年擢貴州
按察使黔中當軍務之後積案甚多思樞逐一查辦將
上控案件結清署藩司篆三年

簡授山東布政使赴任未久因東撫被參牽連望誤解任奉
旨降調來京因疾未及赴卒於濟甯州途中

采訪
冊

周保澤字佑之號潤生合肥人孝友正直誠樸自矢十
二歲失怙侍母病月餘廢寢食親友待之舉火者數十
人咸豐三年賊陷郡城保澤舉辦鄉團賴以安全者甚
衆嗣投効淮軍由軍功歷保花翎運同銜江蘇候補同
知直隸州同治甲戌代理山陽篆逐惡役流土豪地方

續修廬州府志

卷三十四

宦績傳一

二十一

以肅光緒元年署安東令積案百餘件下車未數月悉
清理之詞訟卽日訊結惟恐小民拖累一時有廉明慈
愛之稱安東向有搶孀惡習縱有願守柏舟節者亦不
能自主至有因失節而羞憤致死者保澤出示嚴禁并
痛懲數人澆風乃止居官無重刑無厲色每升堂民不
敢言者必誘之使盡其言故無不得之情交卸後父老
泣涕攀轅數十里年五十八卒

采訪
冊

劉盛藻字子務合肥人同治元年由俊秀投効提督劉
銘傳營內隨同蘇撫李鴻章帶勇勦賊轉戰江蘇浙江
安徽河南湖北山東陝西諸省所至有功先後擒斬悍
賊克復郡縣不可勝計歷保按察使並加布政使銜盛

藻忠樸廉明條理縝密治軍整武威惠兼施淮軍銘營
中尤以盛藻爲最得力同治十一年奉

旨赴陝接統銘軍十二年丁父憂請回籍守制經陝西巡撫邵
亨豫奏留防營時甘肅回逆猖獗戰事方殷盛藻統率
銘武各軍扼紮乾州固關中之門戶爲前敵之聲援一
面殄除沿路匪黨疏通西征餉道俾前敵諸軍得以專
心攻勦甘省肅清光緒元年交卸營務補請回籍終制
五年補授直隸大順廣道在任三載所轄東明縣之黃
河屢出險工盛藻駐工搶護躬操畚揭履險蹈危精心
擘畫必求足以經久而後止如專設廳汎改勇爲兵一
切定章皆出創議九年補授浙江按察使到任以積勞

續修廬州府志

卷三十四

宦績傳一

二十一

過甚猝遭風疾遂不起年未六十浙江巡撫劉秉璋縷
具實績入告奉

旨照軍營立功後病故例從優議卹

奏案
咨文

張樹聲號振軒合肥人幼劬學好爲深沈之思兄弟六
人皆以忠孝相砥礪咸豐初髮逆陷皖省廬境盜蠡起
樹聲以廩生從父練鄉兵扞閭里適刑部郎中李文安
回籍督辦團防器其能召襄戎幕文安卒樹聲與弟樹
珊等治練禦賊築堡殷家畝屢挫兗鋒肥西團練由是
著名咸豐十年悍賊陳玉城大衆來犯樹聲方居憂在
重圍中力圖捍禦地方得以安堵同治元年文安子鴻
章督師赴滬樹聲號召同里義士以從始募樹字三營

相隨東下後增至六營泗涇之役樹聲星夜督隊血戰擊退衆寇淞滬肅清是時常昭復被賊圍福山亦得而復失鴻章令樹聲會同各軍航海入援樹軍列隊於毛家山逼賊壘而陣與各軍更番苦戰遂克福山石城乘夜縱擊立解常昭之圍由是克江陰規無錫督率偏師且戰且進勢如破竹無錫既復諸軍乘勝攻常州而宜興溧陽丹陽各賊繞竄腹地分撲江陰常熟無錫各城冀撤常州之圍樹聲抽調勁旅三千橫紮江陰之焦店青陽以截歸路賊攻各城不克遂分屯楊舍周莊等處屢奪路而西輒爲樹軍截擊不得逞賊乃夜馳三河口設浮橋六道爲歸竄計樹聲偕諸軍蹙之橫尸徧野河

水盡赤擒斬逾萬竄賊幾盡而常州城西賊營猶二十里樹聲與各軍次第埽蕩徑薄城下晝夜環攻樹軍由東城一鼓而上諸將從之遂克常州府城留六營守之江蘇肅清移師赴浙進勦湖州之大錢口旋克湖州府城先後在江南三年大小數百戰迭克名城積功洵保道員並戴花翎加卓勇巴圖魯名號同治四年補徐海兵備道江督曾國藩方督師勦捻駐軍徐州營務餉臺均舉以任之樹聲悉心綜理軍書旁午不遑暇食五年擢直隸按察使清理庶獄勤政愛民羣情翕服會其弟提督樹珊勦賊德安府力戰陣亡樹聲深痛之請自率師討賊秋捻逆賴汶光北犯乃督隊出駐大名扼守黃

河擊退賊衆六年夏捻復北擾時直省兵單馬賊勾結
鹽梟乘虛竊發樹聲旋駐紮張秋鎮防勦兼籌寢食俱
廢冬間賴逆就擒方一意專辦內賊而西捻張總愚猝
越太行而東總督官文飛檄促樹聲回省比抵保陽賊
已至清苑之大汲店省垣戒嚴樹聲慮賊北竄夜縋出
城商令勤王諸軍繞由洲城易州而北迎頭邀截復出
奇兵綴賊南旋尾擊之賊由河獻饒武遁去七年春賊
竄運東樹聲創協守運河之議督飭民團沿河築長牆
分段固守由是賊勢日蹙卒爲官軍所殲樹聲創議之
力也事平調山西按察使擢布政使十一年由江蘇巡
撫署理兩江總督回任後又兼攝學政以丁繼母憂回

籍服闋授貴州巡撫調廣西巡撫充光緒五年己卯科
鄉試監臨晉兩廣總督嚴劾貪吏仕路一清八年署直
隸總督奏撥巨款修築河隄沿河州縣雖大水皆獲有
秋其積淹之區如文大安雄各屬工賑兼施存活尤衆
朝鮮內訌遣師往援卒平其亂奉
旨賞加太子少保銜尋得脾洩證籲請開缺屢蒙
溫旨慰留給假調理九年六十生辰

恩賜物件隆禮稠疊秋法越事亟粵東首當衝要奉

命迅速回粵辦理廣東防務樹聲以時局艱難義不當退力
疾銷假回任而警報日夜至備虛餉絀殫心籌畫常終
日見客夜治文書數月後病益不支再以開缺治軍瀝

情陳請得

俞允既受代卽出駐黃埔督飭各軍部署戰守周歷水陸察
勘形勢無一刻少安先

命督辦廣西關外軍務復

諭督師援閩皆以疾亟不克行未幾卒於廣州行館年六十

一

朝廷震悼

予謚靖達事蹟宣付史館立傳十一年經直督李鴻章奏請
奉

旨直隸江蘇建立專祠

奏案
采訪冊

宋元徵字式虞廬江人康熙戊辰進士初任夏津知縣

續修廬州府志

卷三十四

宦績傳一

二十四

有宦僕殺人主名未得單騎往驗忽塵沙颺起旋繞馬
首元徵悟詣宦宅試呼揚成果獲其人一訊而服又當
運河淤淺漕艘壅滯元徵默禱河神躬挽大纜前行水
立騰湧千艘如駛人咸異之旋內擢戶曹歷刑部郎中
有宦告奴叛主元徵察其辭色有異微服訪於彰義門
外遇途人聚語乃知所告者卽日照縣寒士攜妻來京
覓館宦延課子窺其妻豔卽陰以其名著籍乘其三年
後辭館而誣之乃其子之師非奴也次日嚴訊得實立
置某宦於法而釋被誣者年六十三卒夏津人請祀名
宦康熙五十九年祀鄉賢著有蘊真草行世其七言古
詩頓挫曲折深得古人體

縣志
通志

李榮裕字獻丹廬江人雍正丙午舉人聘充己西湖北同考官選湖南藍山知縣縣處苗疆最難撫綏榮裕教以禮義民胥向化時山水暴發漂沒田廬榮裕捐俸鬻產助民興復及攝桂陽州牧藍山民追送數百里爲立祠繪像以祀之以終養歸行李蕭然晚年善岐黃求醫者雖窮檐蔀屋恆策蹇造焉其樂於濟人如此

嘉慶志

盧元字善長號一齋廬江人選雲南府通判修金江大露基雷波衛等灘灘險阻不可名狀時當盛夏於急湍亂石間部署開鑿不數月工竣舟行得無患署雲南府水利同知時大水壞銅牛堤民多竄亡多方招集復捐廉募廣南沙人晝夜併築堤復完署麗江府知府麗江

邊夷舊領兵二百名廩食不給嘗劫掠民寨元給之粟俾無乏自是不復擾民陞同知署元江府知府元江舊資夷鹽民苦不時得乃請開設土井煎鹵源成鹽民甚賴之屬之高平山有巨蛇常出吞民畜率兵民斃之患遂息署廣南府府差務極繁民苦徭役元爲定役額給站銀民累得釋陞漢中府知府加道職以老告歸

縣志

之莫不下淚

縣志

宋宏塗字西軒號福山廬江人雍正己酉舉人充北直鄉試同考官任四川長甯知縣時歲屢旱災宏塗捐廉

倡修社倉義倉賑貸有藉邑山多田少粒食常乏率衆
開辟荒土民有餘積在任八年善政甚多著有點易閣

文集

縣志

王正茂字時育號竹巖乾隆丁丑進士任山西興縣令
邑有豪紳某故太守弟也席其兄貴顯爲鄉里患正茂
廉得不法事持之不少貸豪遂遁去歷任山陰靈邱大
同陽城臨晉鳳臺霍州所至必興書院簿書之暇爲諸
生講藝其在臨晉時值大軍征金川臨當孔道軍書旁
午猶橐筆輿馬間撰成邑志己卯庚辰壬午庚寅分校
鄉闈所得多知名士晉都察院都事告歸有詩古文集
十卷桑泉課士草綠槐書室課藝行世

縣志

續修廬州府志

卷三十四

宦績傳一

二十六

朱大基字賡台廬江人江蘇常州通判調松江柘林海
防通判推陞保定府安州知州捐俸倡修學宮及八蜡
廟時保定所屬蝗大基設法撲滅諸邑皆報災惟州境
不爲害州地勢下高陽界隄決水淹入境力請大吏賑
給並懇先爲助借民得無困以辦理金川兵差功議敘
列第一又以獲盜功陞直隸州授定州牧辦理甘省兵
差得議敘加軍功隨帶二級以親老告歸乾隆五十年
早輸銀二百餘兩助賑

縣志

李光理字舉條號蘭岑廬江人拔貢生善書法工詩賦

乾隆辛未丁丑

召試二等任直隸固安縣知縣以廉慎自矢縣有陋規光理至

悉革之縣故土城久傾圮奉

旨改造甌城庀材度工具有法度民不知勞倡修學宮捐置禮樂器署南岸同知河汎驟至捐廉安集災民陞子牙河通判晝夜督工不懈以疾終工次宦橐蕭然著有詩賦麗則漱芳方城課藝諸集行世畢生力學不倦其所造就多一時名流雖簿書之暇猶手不釋卷云

縣志

吳繼善字斯美號仿溪廬江人弱冠負異才官浙江布政司經歷德清縣民蔡某爲權豪所傾陷家屬訟其冤不獲理大府委繼善聽斷一訊而服擢署南潯通判南潯濱海兼管海塘先有張某官於是因塘決削職責令賠修張貧窘不堪追比繼善慨助三千金以脫其累居

續修廬州府志

卷三十四

宦績傳一

二十七

民被水災復捐數千金賑濟全活無算塘工向役民夫每日僅給米一升錢二十文民夫多逃避繼善倍給之乃樂事勸功工皆堅實旋知龍游縣事甫之任卒年方

三十二

縣志

陳大化字鼇士廬江人乾隆戊辰進士授編修壬申分校禮闈稱得人擢御史歷吏禮刑工四科給事中風裁凝峻遇事敢言出爲江蘇常鎮道整飭廉隅官吏皆奉法以母老乞歸養內艱服闋補江蘇松太道在任多善政濬開松浜去淤墊以資灌溉民德之調江蘇糧道署按察使乙巳大荒捐白金六百以助賑全活甚多年七十二卒所著有葑池制藝蓉鏡軒詩賦行世

嘉慶志

胡觀瀾字雙湖廬江人舉人浙江知縣平反松陽徐姓
冤獄濬慈溪慈湖築隄弭水患累升江蘇蘇州知府廉
得常熟賊贓雪事主誣良逼命之枉太倉寶山民藉旱
滋事捕其魁寘於法擢江西糧道告歸子稷字公望原
名光榮早歲能詩得其舅沈本陞句法乾隆己酉拔貢
本科舉人由戶部員外郎任川東道會剿長壽縣教匪
王和尚等悉擒之別獲嚙嚙苗匪百餘人又請定東川
雇役法以輕徭役不准輪派民夫歷江南江西鹽巡道
兼署江西按察使決餘千鄱陽人爭州地案以志書爲
斷出餘千民袁姓死罪治信豐鹽戶私增鍋戶獄雪蓮
花廳某紳家誣妾毒妻之冤他如捐建宋臣文天祥謝

枋得祠修元契列簾祠修明賢妃婁氏墓皆非俗吏所
能爲家居篤宗戚故舊尤好施予嘉慶甲戌邑大旱捐
二千金購米江西運回賑濟復捐千金散飢民時稷已
解官囊橐無餘而爲之不倦家故擅園林之勝時邀諸
文士觴咏其中所著詩四卷詩餘一卷鹽政利弊書四
卷均以兵燹佚子祖謙自有傳

通志
採訪冊

章廷樑原名道杞字南有廬江人由附貢官湖北鹽法
道初署漢黃德道有江楚民爭洲久不決廷樑勘得直
訟以平及官鹽道捕襄陽梟匪王七置於法復請減鹽
價鹽道兼轄錢局事開鑄時役往往攬以鉛沙廷樑盡
別其弊兼署按察使有河陽縣人何現潛入江陵境內

傳教被獲坐何現罪釋所株連三百餘人署布政使請免沔陽天門漢川三州縣逋賦先是三州縣襟江帶漢素號沃野乾隆間匯爲澤國田賦奉

旨開除嘉慶甲戌楚北大旱飢民暫墾水區少得刈穫大吏檄屬丈量得畝七百餘萬入奏照舊升科後水患頻仍所墾復成巨浸欠賦至數十萬民迫追呼廷樑飭吏造冊詳請入奏吏謂巡撫將護前議不如已廷樑不可半月冊成乃親賚冊以請備陳三州縣苦狀且曰前此入告以水淹之田實以涸出也今茲求免以涸出之田仍復被淹也巡撫卽具摺奏請奉

特旨全免三州縣民困立舒武昌漢陽兩府相望中隔大江蚱

蟻之舟載數十人以渡往往遭風覆溺廷樑心憫之捐廉造巨艦三十酌經費爲操舟人口糧以藍布爲帆楚人謂之藍篷船偶冬月錄囚見罪人寒苦給棉衣數百襲官楚十二年歲捐千四百金爲書院膏火前任宣化王某歿於楚廷樑給其家衣食復贈貲爲久計酌捐養濟育嬰經費嘉慶十九年邑大旱首捐千金助賑戚屬賴舉火者尚數百家所費累萬解官後值道光三年邑與鄰境皆大水設廠施米並煮粥賑濟又倣范氏舊規置義田三千三百畝建義莊數十楹莊右設家塾以課族子孫鄉里翕然推爲盛舉總督陶澍題請獎敘悉讓其善於弟廷榜道光十四年廷榜遊江淮見被水災黎

歸爲請於廷樑立捐貲二萬以賑卒年六十八同治七年奉

旨入祀鄉賢祠

縣志
通志

吳光廷字榮階廬江人太學生例授貴陽通判擢黎平知府城南南龍山爲故明死節何騰蛟故里光廷爲購地建祠並撰文勒石創黎陽書院以教士士習一新後卒於官士民設位祀之

舊志

胡錡字南濱廬江人歲貢生能文章屢試冠曹偶性廉靜恭遜未嘗矜己之長訐人之短以故人咸敬之晚年秉鐸涇川以文請質者履滿戶外涇人沐其教澤旣歿爲勒石明倫堂有文集十餘卷

舊志

續修廬州府志

卷三十四

宦績傳一

三十

甘廷杰廬江人以歲貢司訓太和課士有法捐俸卹貧士卒於官諸生爲之感泣

縣志

王謨字樹猷號汝嘉廬江人少穎慧家貧勵志爲文雄深雅健尤邃經學授徒二十餘載造就甚多道光乙巳以恩貢就職授四川綿州直隸州州判歷署青堤渡鹽大使鹽源縣丞鹽源梓潼等縣所至有能聲興書院增義學修城濬河籌備社義倉穀無廢不舉鹽源轄九所土司民夷雜處謨署縣丞時縣境賊盜蠡起四鄉被劫者無虛日漸至城市白晝劫掠大吏命謨署縣事丞署距縣百餘里星夜馳往受篆選帶幹役數十名出不意擒渠魁寘之法餘斂跡卸任後滇匪張大腳板竄入境

內大吏命謨督帶土練協勦馳逐數百里六越月而蕻
事大吏上其功擢知縣署梓潼令以地當孔道官吏往
來供應夫馬按賦加派至數倍民甚苦之謨嚴定章程
裁去浮濫所減過半咸豐間逆首藍大順竄擾川北一
帶土匪竊發謨捐廉募勇勸諭井竈各戶鎮鋪鄉民團
勇千餘人督率操練謨長子翬翎任江西安仁令數遣
迎養士民攀留謨顧衆人言曰團練自吾創成去此恐
衆心解體吾不忍也仍親督巡防日夜無懈以積勞卒
於官年六十一士民思其德祀於鹽神祠以子翬翎貴

誥贈榮祿大夫翬翎今爲江蘇候補道

采訪
冊

吳靜號耐菴廬江人幼穎敏年十二卽能屬文以孝友

續修廬州府志

卷三十四

宦績傳一

三十一

聞鄉里父繼瑞歲貢生邑之知名士也晚年病目靜以
侍奉須人遂絕意進取養親承歡父歿居喪哀毀盡禮
服闋後以縣丞宦四川道光八年署冕甯縣丞冕爲甯
遠府屬距省千里地界苗疆土瘠民悍靜奉公潔已民
咸安之旋攝甯遠府經歷鹽源縣丞并權冕甯縣事所
至俱有政聲二十二年權梁山縣丞補平武縣丞治青
川下車察民俗懲奸胥地方肅然青川僻在萬山中民
貧業耕作方春乏食常貸陝商貲秋穫權子母以償遇
歉歲民多逋負商控之官則胥役索擾更甚先平武知
縣謝某輒袒土人不直陝商繼山右張某來代商以張
同里揚言將報復奸民曹大倫杜尊榮等聞言驚起聚

衆數千以逐陝商爲名定盟於黃平觀將爲亂靜偵知之馳函告張謂宜及早解散張游移不決大府旋檄李天璧來代張事與靜會商設方略擒匪首四十八人置之法餘衆悉散燎原頓息任事數年循聲卓著先後在梁山青川均捐置文昌祠祭田書院膏火并增買義地以葬客死無歸者士林咸稱頌焉嗣以伉直忤上官致仕歸里時族有祖遺舊宅在邑南鄉波湖腦展轉易主靜念累代祖業不可失獨以千金贖歸族有貧不能娶者常畀以資完娶焉咸豐二年子贊誠以拔貢官粵東權永安縣事靜就養任所四年值粵匪李來鄰衆數萬攻永安靜在圍城中勸贊誠以忠義効死固守而日於

署後督工作增製鎗礮藥彈兵械意氣自若人心以固同治四年皖北大定慨然思歸常訓子贊誠曰吾壯歲遊川途中每值風利揚帆過瞿塘灩澦諸險陡落千仞心常惴惴及逆風泝流拽牽徐上轉覺帖然足見人世逆境適足爲磨勵造就之資張子所謂貧賤憂戚玉汝於成也汝其勉之歸里後贊誠己爲顯宦靜閉門謝外事以子史百家自娛年七十有四卒以子贊誠貴

劉元標字霞城廬江人內閣中書中道光丙戌進士以知縣歷官燕魯黔楚諸省黔之開泰黃平苗疆巖邑素多盜元標嚴緝捕盜風遂息糧艘北上經山東運河運

丁殺人不忌元標造舟擒治民咸頌德攝沅陵時值粵
逆之亂元標外請援兵內嚴防堵城賴以安其地當孔
道人以其清望素著凡過境者無敢苛索在官五年政
聲卓著卸任未行粵逆竄近沅陵遠近惶恐親出鎮撫
人心乃定性剛直以逢迎爲恥終老一官宦橐蕭然
劉禮章號心齋廬江人優貢生舉孝廉方正道光己丑
進士任浙江瑞安縣繕治城垣調秀水縣修築海塘丁
外艱服闋任湖南長沙縣抑豪強謝干謁民歌來暮補
永綏廳赴部引見聞母訃奔喪歸主潛川書院講席誘
掖獎勵知名士多出門下起復蒞永綏地與數省接壤
兵苗雜居互相鬪殺禮章馴以禮義兵苗感化以積勞

卒於任及喪回兵民護送至數百里

縣志

吳守仁號樂山廬江人少嗜學文章必究根柢以道光
癸巳進士出爲雲南河陽令俗素強悍喜械鬪會大旱
道路相劫奪守仁執盜魁數人置之法地方始安旋請
於大吏發廩粟數千石賑饑不足復捐廉以濟百姓賴
之繼宰太和士多弇陋守仁倡建義塾文社公餘之暇
與生徒悉心講解不一年而文風大振後歷新興大姚
尋甸羅次等縣俱卓著政聲著有四書文藝縣志
宋大璋號聘侯廬江人道光丁酉科舉人官浙江桐廬
縣知縣桐廬地界大江同治元年江濤湧漲田禾盡沒
大璋捐廉賑饑三年又施牛種後年大熟民備價償還

大璋不受有在籍游擊張士元居鄉淫縱大璋訪實密
拏正法後始申詳大憲許其膽略繼解組歸主講潛川
書院七載文風因之一振

縣志

姚繼韶字時薰號賓門廬江人生而穎異讀書尤刻苦
自勵中道光己亥舉人大挑選太湖教諭未赴任粵逆
陷太湖布政使李元華統兵進勦繼韶隨營克復太湖
以功保知縣選江蘇蕭縣知縣咸豐九年蒞任值捻逆
猖獗蕭縣城卑且多傾圮親率百姓修濠築城隆冬苦
寒不辭勞瘁未逾月而城完固流匪圍城五十餘日繼
韶晝夜登陴死守城始獲全保同知直隸州升用蕭邑
風氣剛勁喪亂之後民喜爭鬪繼韶整頓書院武事之

暇繼興文教民氣稍馴同治元年調署寶應父老攀轅
泣送十數里寶應據高郵上流是年適大旱兩邑民爭
水利聚衆械鬪繼韶親詣勸驗婉言開導不遏其流兩
邑俱慶豐稔旋以親老解組歸雖年踰五旬猶依依若
孺子焉未幾卒

縣志

鍾崇基字莘田廬江人少有文譽工詩善隸由道光甲
辰舉人挑知縣籤掣四川以軍功保同知同治三年署
南充縣事清釐積案塵牘一清會寨匪肆害鄉閭崇基
捕斬巨魁龍開榜龍開甲等數名境內始安後以積勞
卒於官著有聽琴軒詩集

縣志

楊厥美字間義廬江人恩貢生令河南嵩縣嵩經寇掠

室廬俱盡城垣亦毀厥美下車卽捐俸修築又修邵程三夫子祠基詳請程子裔孫宗昌襲五經博士陞任莒州卒於官

縣志

李夏盛字實符廬江人由理藩知事任浙江孝豐令在豐十七載催科有法斷獄持平調任嘉興鬻家產爲民償積欠以老致政歸

縣志

王鳳來字羽翮廬江人廩貢生孝友居家任卹鄉里教諭豐邑每受祿必奉以娛親捐貲修葺學宮課士子科

條詳備

縣志

李元正字會符廬江人以廩貢選太倉州訓導捐貲葺文廟構三益堂新雨軒於齋中日與名流觴詠月課諸

續修廬州府志

卷三十四

宦績傳一

三十五

生刻有婁東課藝遇寒士解囊助之大府委督賑惠周於民復捐米百石助賑州民感悅以養母告歸友愛稚弟助之成名其詩有湫谿婁東諸集

縣志

楊詵字介餘廬江人隨父任父歿奉母歸卜宅城南孝養備至以明經司訓望江抵任三月卒性素好義邑令倡修明倫堂詵率先飲助所著古文辭亦淵雋可喜

縣志

姚繼勉字紹泉號最堂廬江人能文章嗜宋五子書由道光丁未進士官山東知縣署鄒臨淄屢平反大獄臨淄前令歿於任虧帑鉅繼勉憫其家貧不能償悉爲代補復厚恤之勤職愛民食不兼味出入多步行以廉介稱擢兗州同知未久遽告歸時粵逆甫定民多貧有鬻

田於繼勉者既書券繼勉以其值廉欲取券焚之鬻者不可乃增值令更書典券鬻者訝曰奈何數倍原價尚聽贖感激而去同治初大吏檄廬江辦抵徵田一畝徵錢四百民惶惑無措張盛愷謁總督曾國藩備陳曲折由是得減四之三由繼勉發其端也

采訪冊
柏堂文集

許鳳翔字尊榮號恂堂廬江人幼刻苦勵學長擅文名其學以王陽明爲矩矱年五十餘始成進士以知縣卽用分發福建署福安縣三年有政聲補甯德興利除弊調臺灣民有再生父母之頌署澎湖通判鹿港同知臺防同知補授邵軍同知所至實惠及民鄉試分校所得多宿學士著有撫催要語二卷卒年六十有八

采訪冊

江開號龍門廬江人道光乙未順天舉人乙巳大挑一等分發陝西任紫陽縣建東來書院躬主講席振興文教咸陽渭河久淤捐廉疏瀹河復故渠民賴其利立去思碑回匪之亂大臣張芾疏薦委辦西安同州鳳翔三府團練禦賊論功保陞知府

采訪冊

吳贊誠字春帆廬江人至性過人幼時值父病篤刺血書疏禱於神請減已年益親壽疾果瘳母歿時甫九齡哀毀盡禮父遠宦蜀家居刻苦力學道光己酉拔貢朝考以知縣分廣東初令永安賊大至城中無兵衆洶懼贊誠部署吏士堅守旬餘外援不至遂密募死士躬率出擊殲賊焚壘賊衆奔潰贊誠料賊必復至乃預撤附

城居民盡徙入城毀其垣屋踰月賊果糾衆復犯縱火
突城鎗礮彈雨集贊誠激勵士民嬰城固守陳火藥於
縣內署令吏士曰城陷卽然之以示必死爲衆勸乃馳
登城北紫金山瞰賊所向礮擊之相持數十日賊
解圍去分踞鄉村贊誠選士募勇率鄉團出擊賊於北
洋中心埧踞賊皆敗竄賊渠尋就獲九月賊餘黨擾好
義鄉贊誠密令諸鄉約尅期會襲及期大雨贊誠先督
練衆冒雨趨百餘里蹙賊於南嶺破之賊入山據險樹
柵累攻不下令毒溪上流賊多死遂拔其巢縣屬悉平
遷知德慶州州城舊毀於賊流亡未復西江艇匪乘流
下犯食時可至城下贊誠招逋亡撫吏士親率紳團駐

營城外遇賊下駛數要擊敗之在江口堵禦匪艇中夜
墜水受傷力疾督戰乘勢勦平榮村白沙坑各賊巢時
北江巨寇陳金缸方熾分黨來犯贊誠力扼要衝不使
得達肇慶攻守累年賊平調任順德縣勤事恤民同治
三年髮逆南下奉檄辦團防總營務先後督諸營疊復
粵閩交界各州縣以功洊升道員丁卯春丁憂回籍服
闋赴粵署理惠潮嘉道同治十二年直督李鴻章奏調
赴津授天津道尋擢順天府尹奉

旨督辦福建船政贊誠素精算學思慮精密及抵工參用泰西
諸法製造師船便捷適用光緒二年夏奉

詔赴辦臺防旣渡臺以撫番招墾開路分營當躬蒞銳意自

行取道恆春以達卑南徑三百餘里中經牡丹鼻紅土嵌山山勢險絕棄輿徒步下臨大海上躡巉巖捫石攀藤數百步乃過前阻大溪風雨猛集溪水陡漲絕糧三日雨霽編藤牽筏而渡始設懸橋以通文報番社出迎分別犒勞沿途布置烈日下燒熱沙上捲夜宿草舍瘴濕交侵比返恆春遂臥病月餘四年補光祿卿旋署理福建巡撫贊誠以病辭不允甫任事而臺番加禮宛巾老耶叛卽力疾督師東渡深入巢穴連戰皆捷遂由花連港親往岐萊冒危險安輯後山民番復由臺北赴臺南巡防閱兵旣竣事抵郡疾轉甚籲請開缺得旨俞允復請開船政差使奉

續修廬州府志

卷三十四

宦績傳一

三十八

旨賞假兩月未瘳請就醫江南得

旨允開缺調理在江蘇醫治匙效赴天津就醫直督李鴻章奏留辦水師學堂以疾劇歸未幾卒於江甯年六十有二自牧令至封疆屢任繁劇身歿家無餘財人以是益

重之

縣志

黃應宮字生徵舒城人順治初舉明經第一授蕭山令蕭山瀕海多坍田逋賦爲民累力請大吏永免之海多盜率健役擒其渠盜以平丁內艱歸林居二十年講學桃谿門下多知名士曾孫達字致訪乾隆丁卯舉人需次縣令以母老不赴立品端介晚就長洲教諭修學校培養士氣卒於官蘇人士思其教祀名宦祠

嘉慶志

黃應庚字西有舒城人順治戊子舉明經授桂陽令桂陽獯獪雜處素稱難治應庚示以忠信利害獯人悅服先是邑躪於焚獮民多流亡招徠安集不二年戶口以充力田登賦如初擢守遼州去任尋補嵩明州民困於役爲除其弊勤於課士文風爲之一變卒於官

縣志

許明章字公斐舒城人順治戊戌進士授廣東陵水令陵多逋賦奸胥叢弊明章蒞任冰蘖自矢正供外不溢絲毫又令民出穀米牛羊之屬爲平價鬻之收其值以償缺額民無逋賦在粵三年勤開墾嚴保甲除煩苛勤課試士民愛戴後改德州管河佐因病乞歸卒於家年

六十三

縣志

續修廬州府志

卷三十四

宦績傳一

三十九

任振世字德長舒城人明崇禎壬午流寇陷舒父與賊遇以身扞父賊感而釋之時方總角也康熙癸丑成進士爲曲周令釐剔稗政案無留牘囊無餘資禮師儒勤督課士習民風丕變漳流徙溢無常振世率民築堤水患永息邑人德之

縣志

胡守欽字君若舒城人殉難翰林守恆之弟以孝友聞由明經任廣東徐聞令徐聞多土豪守欽下車甫一月擒其魁治之邑民驚爲神明

縣志

張國城字宗子舒城人康熙甲辰進士授粵東高明令時逆藩跋扈山賊蠡起國城抵任值盜掠滄泔村請兵殲其首弁之與賊通者賊遂遁更團練鄉兵招徠流亡

請免徭役之累民者羅俊清谿尤多盜滅其巨魁餘悉
改爲良民公餘則與諸生講藝論道士氣以振後引疾
歸里舒人奉爲文獻焉

縣志

胡永亨字肇美舒城人父守恆以明崇禎壬午城陷罵
賊死永亨募勇士夜入賊營收父骸而葬之家居孝友
尚義好施康熙庚戌成進士典試江西公慎自矢號稱
得人尋遷戶部郎中嘗鞫粵東獄仁恕得情分巡肇高
廉羅道飲冰茹蘖多所釐剔息事甯人幾於無訟

江南通志

任之鏞字虞鐘舒城人乾隆辛酉選貢任如臯教諭嘗
奉檄賑飢踰原額巡撫詰其濫對以舊例賑不及幼童
今普給之費不過千金然爲國家廣無數生命矣巡撫
爲改容謝之復勘泰州水災坐扁舟徧訪疾苦全活甚
衆後卓異薦擢竹山令亦以慈惠稱

舊志

曾璞字其琢舒城人乾隆庚辰舉人歷任廣東知縣以
明察著聲治博羅時飢民聚衆剽掠璞擒其渠魁勸化
餘黨設法賑濟一邑以甯調海陽釋株累冤民無算卒

於官

舊志

靳起柏字樹宗舒城人宏士子以例貢任泉州別駕建
石井書院崇祀朱子修古陵險道葺海尾西橋嚴禁博
徒盜賊皆斂跡丁父憂服闋補東城兵馬司正指揮平
心視事民無覆盆又巡視道途掩骼埋胔惠聲大著復
丁母憂歸里後好行其德歲祲出千金以救荒又捐金

八百於合邑以助賑子文莊字薪傳候選州同能繼先志重修大成殿又修七門嶺志 舊

周洄字酌遠舒城人以例授廣西太平分州有德政陞永康州調新甯興利除害所至有聲苗蠻婚娶不事媒妁洄導以禮義俗爲之變陞鬱林州以母老終養卒於

家志 舊

靳章紳舒城人四川忠州知州力行實政士民愛戴以

陞去忠州人寫其像設主祀於白鹿書院采訪 冊

高際盛舒城人庠生歷官工部營膳屯田司郎中充則例館纂修寶泉局監督奉

命護蹕五台道光元年出守浙江温州府於時海塘安穩颶風

續修廬州府志

卷三十四

宦績傳一

四十一

不作論者以爲令德所致大府重之檄署温處海防兵備道旋守金華調補杭州舉卓異居官以清節自勸浙雖稱腴壤而際盛每由本籍運資濟困乏重恤民膏也歲甲午卒於官子均官河南淮甯中牟等縣所在有政聲調唐縣籌捐助餉數逾百萬奉

旨以直隸州用加運同銜唐縣有爭繼者兄應繼而恐不得直願納三千金却弗受卒斷繼其兄退休之日囊橐蕭然

采訪 冊

吳開允字志從無爲人前兵部侍郎光義長子順治六年知福建建甯府下車時賊初平有明都憲張養素家資累巨萬有司利其財誣爲通賊總戎發兵繫其男女

百餘口總督陳錦巡撫張學聖檄開允訊其獄開允卽詣總戎索囚軍中有譁聲開允厲色曰兩臺檄本府訊獄爰書未定張氏家屬可留軍中乎如不盡發某卽以印檄繳總戎馳報制撫總戎懼始出張氏家口聽質開允置諸府儀門外廡立取民間保媪諭守之雞初鳴會三廳二縣焚誓文告神質訊於城隍廟中所司仍附耳以利動開允謂加極刑於其嬌穉當可誣服開允笑而不答平心詰問立白其冤牘上制撫日尙未晡制撫咸曰治獄如建甯守七閩不難治矣張氏家雖破而家人竟賴以得釋開允爲人樸質寡言笑極重然諾望而知其爲長者

江南通志

仰鳳鳴字寢明無爲人明方伯昇之裔順治三年歲貢初任婺源教諭陞太平教授代理府事禦寇有功值荒歲賑活飢民甚衆擢陝西西安府同知年七十致仕

州志

楊交泰無爲人順治己丑以歲薦授廣東番禺令時郡邑初定大兵分駐廣州居民駭恐奔山竄海尙未安堵交泰甫入境招集流移民多帖服時有負固巖穴者大兵將遂進勦交泰諫阻願親往招之單騎深入聚父老論以禍福眾感其誠欣然歸附歛留設酒食旦日焚香道送者數千人近城有山頗險峻時恐有伏莽將舉火焚之交泰又力沮獲免搜山得男女數百人令其族屬率歸由是番禺之民賴以安戢以積勞成疾乞休士民

建祠以祀歸里後屢舉賓飲卒年九十有六

州志

張名世無爲人順治甲午舉於鄉授廣德州學正戊午奉檄分校粵闈得人爲盛擢山西垣曲知縣垣曲居萬山中城大如斗地瘠民貧名世飲冰自矢撫綏備至以

疾卒於任

州志

吳閫啟字旦門無爲人兵部侍郎光義第四子由歲貢生授山東文登知縣康熙丁巳文營以給餉後期兵譁變起閫啟身被六創隨單騎入營諭以禍福一夕而軍心定民得安堵文邑紳士立靖亂碑於蓬萊閣弟敏文字虞升諳韜畧工詩畫滇南之亂仗策從征以軍功授陝西醴泉知縣釐姦剔弊下士恤民醴人愛戴之所著

續修廬州府志

卷三十四

宦績傳一

四十二

有花嶼詩集弟昊字予高由廩貢生任秘書院中書陞雲南楚雄府同知奉調領五千民夫往黔省撥運吳藩家口至滇境會吳逆已叛合境騷擾民夫駭散多受僞職者昊潛以單騎出重圍由九盤奔赴荊州軍完節生還當路交章薦達調河南開封府同知後以母憂去官

州志

朱前詒字燕以無爲人順治甲午舉人授長沙縣令兵燹之後戶口凋瘵豪猾橫行前詒恩威並濟遂大治以治行量移貴州麻哈知州麻哈去京師萬里苗民雜處苗尤嗜殺與郎壩諸寨相接凶狠難化官吏畏如敵國前詒入境單車抵其巢穴開誠布公曉以利害諸苗俱

悅服羅拜思州山苗有兄弟相讎殺者八載不解前詒
諭之乃解麻哈無學宮讀書應試者絕少前詒詳請建
學延鄰邑文士爲塾師稽其勤惰仍啟巡撫請每試入
學二名丙子鄉試有王生鉉者遂登賢書民始向學報
最擢順天府治中未赴任而卒

州志

謝舉安字又石無爲人性孝友姿穎敏康熙庚辰進士
授湖南長沙縣令蒞政廉明勤求治理甫踰三月遽以

疾卒

州志

朱端字莊伯號容庵無爲人以明經授來安教諭陞蘇
州府教授潛心於詩巡撫宋犖器之屢舉卓異引年致

仕歸著寸知齋集

州志

續修廬州府志

卷三十四

宦績傳一

四十四

朱竝字漪同號敬齋無爲人書宗董法以明經授沐陽
教諭屢署縣事康熙乙亥黃河水溢漂沒民舍竝力上
請免課散賑所活萬餘人著有秀啟軒集

州志

朱大復字敦士無爲人康熙甲子舉於鄉考授中書改
選休甯教諭素性謹廉居官清潔兩署縣篆治事慈和
有關學校悉爲整理尤愛啟迪後進在休深得士心俸
滿陞國子監學正以老乞休家居十餘年卒年八十五

州志

盧之範字讚士無爲人性孝友接人古道工詩文四六
早年食餼以優行舉雍正元年膺恩貢乾隆二年春任
青陽教諭課士有方四年秋以病歸尋卒年八十有一

志州

錢雲澹字亦水無爲人性孝友幼敏慧年十二補諸生試輒前列晚以歲薦任青陽訓導勤教育閱一載卒官

志州

齊宏字士猷號畊六無爲人選貢生工書得徐天池筆法年七十一授崇明教諭所積俸銀爲姪婚娶餘復捐修崇聖祠歸橐蕭然

州志

劉聲字羣卓號任庵無爲人廩生雍正丁未以保舉優行分發浙江試用佐雜收溫台海洋漁稅稅故無額每歲約以三千金爲準聲廉謹自矢法寬而課減詳免漁人積欠八百餘兩有竹筏百餘每筏例徵銀八錢聲憫

續修廬州府志

卷三十四

宦績傳一

四十五

其風浪之險槩請豁免海濱民德之報滿題署甯海縣事卒於官

州志

宋祐字履祺無爲人雍正癸卯北闈舉人任四川內江縣行取刑部主事善折獄陞銅仁府知府調浙江台州府再改陝西漢中湖南長沙知府慈惠寬仁治悉有聲歸里後囊橐蕭然著有紀遊詩三十首

州志

吳澁無爲人江西道庫大使歷署德興建昌都昌縣典史贛州府經廳吉安府照磨新喻兩縣分司多惠政奏

祀名宦祠

采訪冊

汪衡字嵩鄰無爲人雍正庚戌進士任松江府教授立同文會課士風丕變修葺文廟署華婁二縣篆案無留

牘人頌廉明

州志

高學濂號希之無爲人嘉慶丁卯科舉人丁丑挑發四
川署任永川開縣新津金堂等縣江北廳補江安調華
陽巴縣升任資州直隸州歷皆培學校興水利懲蠹胥
捐設育嬰堂循聲卓著解組後主講繡溪書院以經義
造就人才卒崇祀名宦著有希齋文鈔詩存行世

采訪
冊

齊大圻號琢文無爲人道光戊子經魁授盱眙教諭兼
理訓導事性和易寬厚而臨事剛正不苟爲異同獎掖
後進尤深得士心俸滿大吏保薦以知縣用不就擢太
平府教授

采訪
冊

高傳薪號子良無爲人以知縣分發陝西任孝義廳葭

續修廬州府志

卷三十四

宦績傳一

四十六

州永壽三原咸甯雒南蒲城等縣道光三十年冬引疾
旋里時年力尙壯大府出考保奏奉

諭俟病痊赴選後以捻匪肅清敘功

賞花翎五品銜

采訪
冊

吳桓無爲人舉人署英山石埭教諭選江蘇鎮洋訓導
調署陽湖青浦知縣陞嘉定知縣勤慎廉明多善政

采訪
冊

朱慶元號韻松無爲人由文穎館供事議敘任福建泉
州府經歷兼管南水關務陞蚶江海防通判歷任南安
德化惠安晉江漳平閩清等縣有惠政工詩善畫蘭有

鳴時集詩古文行世

采訪
冊

侯銜字讀山無爲人諸生歷任貴池宿松望江教諭力興文教捐貲建塔又建堤掘井人尤賴之至今猶呼侯公堤及井云所著有風水記

采訪冊

洪敬夫字直卿無爲人寄籍繁昌性孝友家貧力學咸豐壬子舉人以倡練攻勦克復無巢敘功以知縣用乙丑赴春官試報罷就部選授高陵知縣高陵關中瘠苦地重以兵燹敝甚甫下車卽招流亡闢草萊裁平餘免差徭捐俸建學宮書院回逆三次撲城率遺黎登陴堅守上游錄守城功保以直隸州補用旋調岐山岐山素稱沃壤敬夫治之如治高陵民稱大治未幾卒年七十有一著有癡顰鏡影詩集子四多人仕版有父風鄰不

戒於火出三百餘緡贈之

采訪冊

侯諄無爲人工詩文善書法性渾厚練達任山西河東中等場大使凡有疑難事大府悉延商之拏獲重犯范猴獨黨羽悉平諄雖居鹽官暇輒留心民事

采訪冊

程輔辰字習五無爲人山東東平州知州家饒於財好善樂施道光間鄉邑瘟疫死者施棺衾生者給錢米計施萬櫜賑六萬餘金鄉人稱爲萬人緣歷任郟城臨朐益都卽墨冠縣泰安金鄉鉅野武城等縣善政甚多

采訪冊

洪濟巢縣人康熙八年任福建泰甯知縣創行滾單法民無差擾修邑志葺城垣建迎恩橋創李朱二公祠皆

彰彰可紀福建通志

曹同統字能紹巢縣人舉進士授懷慶司李有廉能聲

轉瓊州同知改東昌康熙志

張肯穀字式似巢縣人歲貢任神木知縣後署秦州兵

變被執不屈以計得脫因導諸軍進勦有功以忠忱優

敘超守鳳翔再守濟南皆異數云江南通志

湯愛鼎字旺衡巢縣人廩貢靈璧訓導遷知滿城除耗

羨清疆理抑強梁治最擢瓊州知府參劾屬吏貪酷者

不少貸江南通志

張值字樹茲巢縣人監生任福建建甯府通判改四川

按察使經歷以軍功遷合州知州適西徼羅卜藏丹青

續修廬州府志

卷三十四

宦績傳一

四十八

騷擾巴塘等處奉委招撫動合機宜復贊理西藏軍務

所在有勞績雍正六年題陞四川重慶府同知七年陞

雅州府知府縣志

沈汝蘭字仲畹巢縣人順治辛卯膺歲貢選授泰州司

訓時海寇薄城下汝蘭協力守禦嘗白諸生之被誣陷

者七人江南通志

葛兆熙字曙咸巢縣人博學工書畫以歲貢任常州訓

導設條約講學論文師範肅然以憂去諸生繪像祀於

文昌閣又有湯調鼎字作梅秉鐸滁州多善政縣志

吳禧字純錫巢縣人由歲貢生官湖南永州府通判有

治聲以憂去服闋任直隸真定嘗奉檄賑冀州粟未至

先捐貲賑之俗輕生多獄訟禧出示嚴反坐民少知做
時水旱頻仍民多逃亡賦不能納復捐俸代完之尋以
署長垣註誤去任士民痛惜焉

采訪
冊

劉極字華選巢縣人官廣東德慶州吏目署高要縣有
政績考滿當得州判移疾歸以孫崧貴贈如其官

縣志

吳禴字我樸巢縣人由歲貢生官河南羅山知縣羅邑
賦稅多責成時胥弊竇叢生禴爲催科條例上之郡守
請於巡撫行之期年有效遂下其法於郡縣又師王文
成保甲法緝盜嚴盜皆遁去丁艱歸服闋補四川長甯
縣舊規官司飲饌皆取自民間禴下車首裁之烏蒙土
番數搆亂乃爲畫疆界推誠喻之番人悅服年餘引疾

續修廬州府志

卷三十四

宦績傳一

四十九

歸 采訪
冊

黃藩字以鎮巢縣人由歲貢生官婺源訓導任滿歸諸
生相歎息以爲失賢師歸數年卒

采訪
冊

湯培鼎字省齋巢縣人由歲貢任義烏知縣才識明練
凡積弊累民者加意刪除東江橋爲東永二邑孔道山
水暴漲民病涉捐俸修橋人咸便之設立義學多所成
就歷官三載解組歸捐田產修慈雲閣前石橋族中貧
者多待以舉火

縣志

陳天宗字韶裔巢縣人歲貢生選奉賢訓導丁父艱未
赴任服闋補宿州訓導學宮圯捐貲爲諸生倡修葺之
值歲歉分任賑事計口授粟罔不均韓生者貧甚天

宗分俸飲食之並授貲爲聘某氏女後數年舉拔萃科
領鄉薦人咸頌其義

縣志

李際壽字庚延巢縣人官江蘇知縣署常州府通判兼
攝靖江縣事又署陽湖武進二縣在常四年士民愛戴

旋補贛榆在贛六年政簡刑清人稱良吏

縣志

楊枝新字春臺巢縣人少有文譽以貢生任安慶訓導
陞衡州府通判轉思恩府同知所至皆有聲

縣志

劉大烈號銘之巢縣人由佐貳陞任江蘇江甯儀徵甘
泉吳縣知縣牧高郵海州居官清廉大府知名題丹徒
縣知縣適遇水災捐俸勸賑救荒全活無算舉卓異陞
太湖海門同知俸滿擢松江知府又署鎮江丁憂服闋

續修廬州府志

卷三十四

宦績傳一

五十

改調廣西鎮安知府調泗城時護送安南國貢差引見
奏對稱

旨

欽派陪宴貢使賞粧緞蟒一襲旋陞右江道其時粵西股匪撲
鎮安帶練防堵勦撫兼施地方賴以保衛道光二十九
年致仕卒子文瀾號仙舟由幕服官補浙江鳴鶴場鹽
大使歷任運庫批驗大使道光二十二年外夷犯順辦
理靖逆將軍行營糧臺著有勞績保陞武彝知縣在任

有賢聲

采訪冊

魏搢字書笏巢縣人增貢生性慷慨重然諾遇有急難
輒解囊以濟咸豐間辦團練保衛鄉里爲今大學士李

鴻章所器同治元年投効今兩江總督曾國荃營司書
記繼辦軍米轉饟不匱積功保訓導升用知縣事平雅
不欲親吏事仍就教職歷署潛山含山訓導所至講學
訓士舉報優劣以爲勸懲士林敬而愛之

采訪
冊